

A Monthly Christian Magazine

AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 52 || No. 06

June, 2016



PCI Khawmpi



Editor: Rev. Tualzachin

Khristian Tangkou

Vol. No. 52 || Issue No. 6 || June, 2016

Editorial Board

Editor : Rev. Tualzachin - 9862829526
Joint Editor : Rev. Stephen Chinzathang
- 9863042789
ct_stephen@yahoo.com
Cir. Manager : Upa Jamsianmung - 9862086615
sianmung@rediffmail.com
Bus. Manager : Kamgenpau - 8974612937
Sye T. Ginzahau - 8974438842
Cont. Editors : Upa S. K. Khama - 9856406454
Rev. Awnkhankhup - 9862828921
Rev. M. G. Nehlien - 09535042257
Rev. Kaimuanlal - 9862923960

ZOU SYNOD ULIENTE

- Moderator:
Rev. Khupkhansuan
- Moderator Elect:
Rev. Mangsuanthang
- Secretary (Sr):
Upa T. C. Pau
- Secretary (Jr):
Upa Sianzahau
- Treasurer:
Upa T. Lamkothawng
- Statistician:
Upa Kapkhanthang
- Executive Secretaries:
Rev. Tualzachin
Rev. Stephen Chinzathang

A sung thu

- Editorial..... 01
- Thu tuomtuom 03
- Reports 05
- Hagau Siengthou nei un 10
- Pasion thugen ding dan 12
- Kipah thugenna 20
- ZPWF Culumn 21

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

Editorial

PASIAN hoina leh mapuina tangtou zelin i thei lou kal un kumkim June ha tan dam a hing mapuitu a vanglien Mangpa kung ah lungdam thu i gen masa uhi. Mangpa grep huon a Seppi Hattuum china gim leh tawl khoh salou a pawlpi itna toh ana pang tintente kungah kipahpina chibai ka hing buh hi. Tuha ithupi ding un “Na Zalenna uh kemching un” chi ahi Galati 5:1 na en lei “Zalenna inei uh khu Khrist hing tat doh zieh ahi. Tuaziehin dingdet unlen suoh hina hahkol pokia dingin kiphal non ta sih un chiin sawltah Paulin ana gen hi.

Zalenna:

Zalenna ichi chiengin gingu mi piengthasate a din zong zahsiem hamsa mama hi. Khumte zieh ma in mi nempi sal or suoh hina pat a Jesu Khrist in sing Kross tung ah a tat khiet sa hina pi in mit utnate, tahsa ut nate leh kideh zoulounate ah a puakha zel uhi. Aziehpén Zalenna ichi chiengin nuom taseng in, mi tampi ten a zalenna uh zang khiel zel uhi.

Etsahnan:

Israel tate Aigupta suoh leh sal a kum 400 sung a taan lai un ama uh deidan dan un gamtang thei lou uhi. Kumpi Pharo phalna tellou in a ut ut bawlin sem thei lou uhi. Anopna mun mun uah zong peitheu lou uhi. Khumbang ahi Suoh (Slave) ahamsat na. Etsahna khat enkia lei itenna khopi India gam zong nidang, hun dang in British kumpi etkawlina nuoi ah suoh leh sal bang in ana um uhi. Ama uh leh ama uh kivaihawmna umthei lou in British te chidan danin ana gamtang uhi. Hinanleh mimasate panlahna leh thuohna te zieh in kum 1947 in Zalenna (freedom) ana mu uhi. Khum ni leh hun apat eima leh eima kivaihawmna ang hita hi. Tami ahi Zalenna ichi zel. Tuni a i laisengthou pansan in a

gennuom ahileh nidang lai in dawimangpa khut nuoi ah suoh leh sal in ina tang uhi. Ipu, ipaten Zu leh sa ne in nunnop laamtang ana kai in Setan henkol ah suoh leh sal in ana tang uhi. Tualeh thu hun luilai in zong eima noppop na mun ah Pasian kube theilou hi. Pasian abieh chieng un Jerusalem maimai ah bezel uhi. Tami zong Saltanna namkhat ahi. Hinganleh Jesu Khrist ang shi zou apat in hei mun pou ah Pasian ibethei uhi. Mangpa'n thupina tang hen! Jesu hing shi zou apat ei Khristian ten Zalenna imuta uhi. Pienthana zong ing neita uhi. Tamteng ahiman in dingdet unlen Suoh hina hahkol ah tangkia nontasih un. Mikhat in puonsiltha sitset khat toh ang kiven chiengin mun nin or munnieh lah a akiven bangin ei gingtu piengtha sate Pasian deilou lam sil kidah huoi te apat iki ven dinguh ahi. Mangpa'n athu guolzawl taken. Amen.

.....

ZOU SYNOD TUNGA KIPAHTHU GENNA

V. Bethel khuo a um katanu Nu Manngaichiin leh Pa Haulienthang te tapa 2na M. Thangsuonsang (Zou) ka tupa uh UPSC examna ding a Zou Synod huong sunga Hattuum ten thumpi dinga Khristian Tangkou mai hilou a Hattuum china lai nang hawmsah ua, Hattuum chin leh mimal chin in nang thumsahnate zieh ua thumna sangpa Pasian in ang sanpieh zieh a examna a ang lawchin ta ziehin Zou Synod tungtawn in Pasian min in kipah thu kang gen hi. Zou Synod leh Pasian Hattuumte ibieh Pasian in hing umpi in hing guolzawl taken.

Na deisah uh Keima (Apu)

- Upa Kulthang Singngat,
Zotang Presbytery

THU TUOMTUOM

leh

THUMPI DINGTE



01. ZPYF Diamond Jubilee 2017 ullawhna: Apeisa May 08, 2016 (Pasianni) in Presbyterian Central Church ah ZPYF Diamond Jubilee 2017 a um ding pen town area a umteng in ullawhna kinei a lawchingtah a zaw ahi.

Kizahdan tangpi:

- 1) Campaign honkhietna
 - 2) Reports, Highlight & Introduction
 - 3) Competition booklet & Action plan honna
 - 4) Lamkaite hanthawhna & Thumsahna i/c Youth (ZPCS)
 - 5) Balloon hakhietna & Refreshment
02. Pasion in ithumnate hing dawng tou zel in BSEM & Cohsem nuoi a Class-X leh Class-XII examna a, i khanglaite lah a lawchinna ngate ziehin kipahthu gen vaui. Mi bangzat ahiei ten lawchinna angailai un akhente lawsam a pawna mama um ahi chi thei kawm in, alawsamte a dingin puohsiemnate nget pieh vaui.
03. Tulai kholum leh kho vawt kihen toh kiton in damlouna a tam mama a, eima kiventheina ban ah bangkim bawlthei Pasion kungah damna ngen vaui. Tamteng ban ah Pasion in damloute zen leh kem ding a siemna, pilna apieh Doctor-te leh Nurse-te a dingin ana thum jing vaui. Ama uh ten damloute deisahna toh iit tah a ang kep theina ding un. Tualeh Hospital vanzahte zong vanzah manpha asuoh a

adongtute a ding damna ang suoh theina dingin Pasian kungah ngen va ui.

04. Zou Synod huong sunga Pasian ibiehna ding a kilawmzaw, ahoizaw, deina toh Biehin lam zousie a dingin sum leh pai in panpi zousih nanlei thumna toh ana thei tontung va ui. A khenten foundation a abuai lai un a khente a zou khiel bang aum ding uhi. Tambang sil hoi i bawllai un i langpa Setan ana thangse zel hi. Toplou in thum vai!
05. Pasian hoina leh mapuina toh kumkim a ding ihi thei kawm in tukum i louma, Bu leh baal leh haichite Pasian guoljawlna Van guotui te tanga atamzaw sem a ang gasuo a ang pepa Pasian mai a kipahtu gen kawma lat ahitheina ding un thum vai.
06. I pawlpi sunga atawm, atam thu hilou a Sawm-a-khat Pasian satan ahi chi thei a pe tinten te kungah lungdam thu igen uhi.

.....

Lungdampina thupuon

Apeisa Khristian Tangkou March issue 2016 leh Zou Synod huong sung pumpi a thumpi ding a ngetna Circular ana kihawmsa bang in Unaupa Tv. Thangsuonsang Munluo Zou s/o Pu Haulienthang of V. Bethel in UPSC Conductna nuoi ah tehna nukhia penpen personal Interview tan ah lawchinna nga hi. Mangpa'n Hattuom chin leh mimal chinte thumnate hing lawsamsah lou ahi chi thei kawm in Pasian kung leh ama ana thumsah tute tungah lungdamthu igen uhi. Amaban kalsuon touzelna ding ah chidamna, lamzannate ngetpieh va ui.

Reports

TUIVAI DISTRICT PWF SEMINAR REPORT

ᑭᑭᑭᑭᑭᑭ hoina leh umpina toh apeisa April 7-9, 2016 sung dai in Tuivai District Presbyterian Women Fellowship te panlahna toh District Head Quarter Behiang ah Seminar kinei a Pasion umpina toh loh tah leh lawchingtah in zaw ahita. Thupi : “Numeite mawpuohna leh lamkaitu hina” Khochin apat palai 50 vel tel thei uhi.

Resource Person:

I. Rev. Khamminlian (Biel Pastor)

Topic: Lamkaitu hina (Leadership)

II. Nh. Lhingkhoniang (Evangelist Retd. (ZPCS)

Topic: Numeite mawpuohna (Responsibility of Womens)

Tami hun sungin tahsa hagau ah kilim thei mama a, i District sung ah Mangpa'n mi kiphal hing petou zel a, Seminar hunsung zah dingin Upa M. Kaichinkham Lunjang in Petral Litre (15) hing thaw hi. Lungdam huoi mama! Mangpa'n ama leh a inn sung mite ale tamzaw sem in guoljawl in umpi zing taken!

Amaban bawzuina pen thumna toh pang chiet vaui.

Report petu

- Nu Vungsuan

Secretary

PWF Tuivai District

REGIONAL DISABILITY CONSULTATION REPORT

- Stephen Khupsianlal, B.D

Thupatna:

Amasa'n simtu zousie chibai kahing bawl masa hi. Nipeisa 10th-12th May, 2016 sungin Presbyterian Assembly House, Central Ward, Shillong ah North East huopin World Vision India leh PCI saikhawmna in 'Regional Disability Consultation/Conclave' vaiguon um a, tuanah Synod hing sawlna banga kavapan thei ziehin, ahing mapuitu ibieh Pasian leh ahing sawltu pawlpi lamkaite tungah lungdamthu kagen hi. Tam vaiguon khu adieh in North East India gamkai sunga imihinpi guolphalou (People With Disability) te dinmun leh hamsatna athuohdan uh resource persons te tungtawn in ngaikhiet ahia, sorkar panlahna ban a hattuum chinte'n lunggel-ngaituona tha toh gingtu kipawlkhawmna vaiguonte ah amaute zong huomsah a panlah ding poimaw ahidan thute nasatah a genkhawm ahi. Tam vaiguon akhun atangpi in North East sunga hattuum tuomtuom apat Faith Leaders 30 vel peikhawm ahi. Consultation toh kisai tam anuoi abangin kizahdan tangpi report kahing bawl hi.

Day 1 (10th May, 2016): Vaiguon sunga zuiding hun bikhieh/ timing hoitah umsa ahibangin zui ahia, 8: 00am in breakfast hun zah ahi. 9: 00am-9: 30am in registration leh introduction neiin um a, 9:30am-10:00am in Miss Meba in puitu hina la in, tuanah Mr Steve Khongsngi, AD, Church Relations in Exodus 4: 10,11; Luk 14: 21 leh Ephesate 1: 8,9 pansan in devotion mapui hi. Devotion zou 10:00am in Bethany Society te apat in group song ngaikhiet ahia, tuazou in Smt. C. Kharkongor, Commissioner Disability apat in 'Government Response to Disability'/ guolphaloute tunga sorkar panlahdan ngaikhiet ahi.

Smt. C.Kharkongor report: Mihing tahsa khu 40% nna hoitah asepthei leh normal a ngaituo ahi. Guolphalou ding khat khu akipat chiil (early stage) in theikhiet (detect) masat hileh akivengthei hi. Guolphalou te khu Chief Minister Scheme tungtawn in 'Disability Certificate' pieh ahi ua, tambang certificate neite khu hachin in 500 Rupees pieh ahi uhi. Meghalaya akhun 2011 census dungzui in guolphalou mi 44,317 um a, mi 33,685 te kungah certificate hawmkhiet ahi. 2006 kum in sorkar nasepna ah 3% khu guolphaloute ading in reservation bawl ahi. 2012 kum in guolphaloute nasepna post 31 ah sem uh ahidan theikhiet in umhi. Public bus teng ah seat 2 khu guolphalou te ading a reserve bawl ahia, nasep-silbawl a akitoudel nading un sorkar in loan hawmsah ahi. Sorkar mai in pan alah khu ahuntawh sih a tam nasepna khu joint responsibility/pangkhawm a panlahna leh community base program ahiding poimaw a, society a gasuong theitah ahing hiding uh apoimaw mama hi.

11:00am apat in 'Introducing Disability' thupi pansan in technical session nei ahia, tuanah disability umzie, ahing kipatdan, panlah dingdan, disability laws, statistics (World, India, State) te genkhawmna nei ahia, Mr Amos in tam hun mapui hi. 1:00pm-02:00pm sungin Lunch Break hun zah ahi. 2:00pm-3:00pm sungin Mr. Kithan mapuina toh 'Game of life exercise' hun um a, tualeh 'Models of Disability' zilna zong um hi. 3:00pm-4:00pm in 'What are barriers?' thupi tungtawn in group exercise um a, group 5 a kihawm khenin tuanah kou group No.5 apat in discussion report piehna kanei hi. 4:00pm-5:00pm in 'Experiencing Disability' tungtawn in group thum a kikhen in, group khatna te amit uh kikaan pieh in, group nina te akeng uh kikaan pieh ua, kou groupte kakeng uh hing kikaan pieh hi. Tambang a ahing kikaan pieh nua in ground floor lam ah singpi dawnding in hing sawl uhi. Tamkhu 'Simulation Exercise' zong akichi a, practical tah a imihinpi guolphaloute dinmun hamsatdan atah a zilna ahi hi.

Day 2 (11th May, 2016): Devotion hun ah Mr. Samuel Therieh, AD, PMO Guwahati in puitu hina la in, Mr. Barkos Warjri-Chief Secretary, Meghalay & World Vision board member khun Luk 4: 18; Isai 61; Philippi 2 leh Hebrute 5: 1 pansan in devotion mapui hi. Tuazou in special session hun zah ahia, Mr.Carmo Noronho-Executive Director, Bethany society apat in naupang khomulou ahiei khuozaloute a etkol dan uh ngaikhiet ahi. Living with Disabilities thupi pansan in sharing hun umkia a, tuanah Bethany Society apat guolphalou naupangte'n testimony sharing hun zang uhi. Tuazouin Biblical Perspective on Disability thupi tungtawnin Group Exercise neikhawm ahi. Sunnua lam in Marry Rice Center kichi guolphalou naupangte skul kaina mun vakipha hi. Assembly House tunkia lam in 'God and Disability' thupi tungtawn in Theological Session nei ahi. Tam session nuain Group Session umkia a, tuanah 'How Church can be involved in Ministry of Disability'/ 'Bangchi'n Hattuumte'n guolphalou mite tungah Pasian nna septhei ahidiei' chi thupi pansan in ngaidan genkhawmna umkia hi.

Day 3 (12th May, 2016): Rev. David T. Lhouvum, Sr. Administrative Secretary, PCI in Luk 5: 12-16 pansan in devotion mapui hi. Rev. Lhouvum in athugenna ah 'PCI will now go ahead with policy on disability'/ 'PCI pawlpi khun guolphaloute dinmun ngaipoimaw in bawzui ahing hiding ahi' chi hi. Special session hun ah 'Role of the Church in Response to the Needs of PWD' thupi zah ahia, tuanah Rev. A. Sohliya-Director, School for Differently Abled, KJP Sepngi apat Synod panlahna ngaikhiet ahi. Tuazouin Theological Session um a, tuanah Mr. S. Khongsngi, AD, Church Relation mapui in 'Disability and Theology' thupi tungtawnin Mangpa Jesu khu mizousie (guolphate hiin guolphaloute) Pasian ahidan ngaikhiet ahi. Tam hun ah 'Vulnerability of God', (Panpingai Pasian) 'the Lamb that was Slain'(Gawsa Belamnou) leh 'the Wounded Healer'(Suhliem a um Damsahtu) thupi ngaikhiet ahi hi (Isai 53:

5). Sunnua lamin ‘Plan of Action’ leh ‘Way Forward’ tungtawn in guolphaloute tungah panlah dingdan genkhawmna hun zah ahia, tuazou in Feedback, Closing Remarks, Vaiguon khahna leh Photo Session hun zah ahi.

Lungdam thu genna: Tambang vaiguon poimaw a hing sawltu Synod lamkaite tungah kipahna alien a, vaiguon kizahna mun, Shillong a hing kithuopi/buoipi Capt. Haokholal Haokip, Rev. Lamsuanthang te nupa, Pi Mary Tungnung, Pu Aaron Muanthang leh Bieh kikhopna/thugenna (11th May, 2016) hun hoitah hing siemsah Presbyterian Church, Shillong Hattuum lamkaite tungah kipahthu kagen hi. Tualeh silpieh tuomtuom hingpie vaiguon sait, World Vision India leh PCI tungah zong lungdamna alien hi.

Thukhumsin:

Tam vaiguon tungtawn in Bible a guolphalou (Mitto,kengbai, etc) te khu Bible hunlai context a hattuum leh khotang kivaihawmna dante’n ana huomsah zoulou mite hinan u’leh Mangpa Jesu’n itna lienpi leh huomzou natoh koima khentuom neilou ahidan athatah a zilkhiet ahi. Tuabang huomzawlouna ana umkhu tulai hattuum leh khotang kivaipuona ah zong aum leng hi. Tambang dinmun ngaituo in iMangpa ngaituonadan khu ei gingu zousie te’n zong inei ngei ding uh sil poimaw mama ahi zing hi. Tuazieh in Local, District, Presbytery ahiei Synod level ah ‘Disability Seminar’/ imihi guolphaloute toh kisai vaiguon siemthei/saithei hileh hattuumte’n awareness hoitah akineithei ding a, tuachi’n huopzou tah a panlahdan hoitah zong hingpieng theiding in izingta hi.

Simtute Mangpa’n guol hingzawl chiet hen.

.....

HAGAU SIENGTHOU NEI UN!

(Receive the Holy Spirit)

John 20:22

By- Upa Khupsuankham

Innsung khat a nuteh pen ahei pateh pen ahei khat in ashi kuon chieng in atu-atate kung ah thu vaihah (thu gousie) anei lengjel uh bangin, Jesun jong shina zou a athawkiazou, leitung a potsan ding anaita chi athei in, Anuajuite kungah “Natung uah lungmuanna umta henlen, pa in Kei angawl bang in noute zong ka hing sawl hi” chin anuoi a thu gousie 3te sem dingin sawl hi.

- (i) “Vannuoi buppiah pei unlen Khantanhoi thu vagenta un” (Mark 16:15)
- (ii) “Hagau siengthou nei un (John 20:22)
- (iii) “Ka Belamte ching un” (John 21:15-17)

Atung a thu gousie 3te lah a, a 2na - “Hagau siengthou nei un” bang zieh a thu vaihah anei e? Paul in, “Jesu khu michin Hundampa ahia, agingtate ding a Hundampa ahituomse hi” achi hi (I John 4:10). Tuajieh in Jesu hina dihtah Pasian Tapa Vannuoi Hundampa ahi chi ipom a, gingtate a dingin Hagau Siengthou nasepna a apoimaw jiehin “Hagau Siengthou nei un” achi hi.

Paul in Korinth Hattuohte kungah “Hagau Siengthou nasepna loungal in koiman Mangpa Jesu khu Mangpa ahi, chi aki but sih uhi” achi hi. Tuajiehin, Jesun nakung ua ahing thugen hinna hingpie khu Pasian Hagau ahi (John 6:63). Tualeh Hagau Siengthou nasepna khu apoimaw jiehin Paul in Ephesa mite kung ah, “Zudawn khawm in um sih un, nahindan uh suseva uteh, “Tuasang in Hagau a dim in umzaw un” achi hi (Ephesa 5:18).

Hagau a dim ichite khu ittna neite ahia, ittna in melma lungsietna anei hi. Stephen Hagau a, adimlai in, amelmaten

suongtum a, aden valum lai un zong a en a, alungsiet tasem sem a, “Mangpa Jesu aw! amauhte tatkhelna khu mawpai sinlen, ngaidam zawn! achia, ashita hi (Nasepte 7:59-60).

Hagau a dimte hinkhuo khu ama aangsung mai khuol talou in amelmate tanphah lungsiet theina aneita hi. Jesu Hagau Siengthou a dimlai in suol zawtheina anei a, adiabol in solna chinteng a sol atumta a, hinanleh Hagau a dim ahijiehin khelna leh solna in asolpuojou tasih hi. (Luke 4:9-12). Tuajieh in Hagau a dim hinkhuo in khelna chituomtuom leh solnate a zou jelleng hi.

Jacob in tunglam a hing kipan (Hagau) pen achil in asiengthou a, kilepna adei a, anunnuom a, khentuom aneish a, khotuona leh gahoi in adim a, alepchie sih hi. (Jacob 3:17). Hagau a dimte toh nna isepkhawm leh anop a, kipawlp i ding in jong ngai ahuoituumse hi. Ajiehp en Pastorte, Sawltahte leh Semtute khu Pasian gam nasem ding Hattuum leh pawlp i adia

kipumpieh amauh a ding a hing ahi nawnlou jie h uleh amauh ngaidan mai a peitalou in Pasian leh pawlp i te deina bang in a umzaw uhi.

“Jesu’n, navah uh mite masang a avah akul a, tuachin nasilhoi bawlte uh miten hing muva un, van a napa uh mite pahtawi thei tava uh” achi hi (Mathew 5:14-16).

Theipi kung in ‘ga’ tampi anei a, hinanleh a ‘ga’ ane khasih a, bangte’n aneh a, koite’n aneh e? I chi leh Zu -le-Vate, gamsate leh mihingten aneh uh mabang in, Hagau nei a Hagau a dimte khu midang a ding a hing a, anei leh alamte aphalban ah lungsietna toh hinkhuo aman ding uh ang theisah hi.

Tulai idinmun ukhu hun nukhia ahitah jie h in michinteng ading a kisiemphatna hun ahita hi. Vannuoi a ibukimna ding un “Hagau Siengthou inei uh angai hi” Tuajieh in unaute aw! Hagau nei in Hagau ah dim ulei ikhovel mandan uh bang chituh in anopta diei?

Mangpa’n athu guoljawlta hen!

PASIAN THU GEN DING DAN (HOMELITICS)

-By Rev. Hangpi Manlun

1. Thupatna:

Awle, amasa in tua ithupi uh khu Rev. (L) Saiaithanga laibu akipat ahideupen hi. Ahin laibu tuomtuom jong et leh zah ahithou hi. Pasian thugen khu hattuum etkol nnasep lah a vahna leh chawmna poimaw pente lah a khat ahi. Tuaziehin tam nnasem ding in azil mi leh namdet mite bawl ding/tanvou a ngai tangpi ahia; tuabanah thugen thei mi khenkhat, guottuum dieh pawlkhat aum sam hi. Ahin, i Zogam ah vang tuachin i bawl thei nai sih a, ibawl dandan in bawl tadi phot vaiin, hinanleh apoimaw hi.

2. Thugen in atup: Thugen in atup pen i thei sih leh thugen lawchin leh lawching lou zong ithei sih ding hi. Atangpi in thugen in atupte khu sawng ni a gen thei ding hi.

2.1. Hutdamna tang dinga Khrista kunga mite pui 'Nuazui in siem unlen' (Math. 28:19).

2.2. Gingtute Khrista bahna lam a suh khanglien a suhdet, hamuonsah, Pasian pawlsah sawm 'Ka belamte vah in' (John 21:16), chite ahi. I thugen ngaikhetute lah ah hundamna pom nai deu lou bangza ahiei a um chi thei a, 'Mangpa Jesu

gingta unlen, tuachin hutdam in um va teh chi khu akul ngai in kul zing hi. Tamkhu gingloute ginsah sawm na, Missionary Sermon ahi. Tualeh gingtute khu Khrista bahna lam a akhanlet theina ding un detnalam leh hamuonna lam a zot thei ding un, amau a hagau ga ang gakhieh thei na dingin Bible thu taha vah angai ngitnget hi. Tamkhu belam vahna Pastor Sermon chi ahi. Ani in akul na kibang ahi hi.

Tualeh atomlamin genta lei thugen in atup-le-angim ahileh mite khu hundamna tang ding a Khrist kung a

pui ding leh gingtute tahsa-le-hagau lam siem pichin, ahatloute hamuon a, Pasian toh ipawlne neisah dingte ahi. Rev. C. Lallhira in, “Thugen khu Pasian thutah mihingte tungton a puonkhiehna” ahi achi hi. Banah Pasian thutah hattuumte hawm na jong ahi hi. Hattuum miten hagau hinkhuo a khan letna ding ua nnasepna poimaw tah khu thugen ahi. Rev. Saiaithanga in, “I thugente uh khu chawmna/ etkawlne ding ua ann hoi leh tuitah hita hen” achi hi. Tualeh T. Jones khun tambang in gen hi. “Pasian ngaisah ding a mite kisingsah ding, mite theisiem ding a khantanhoi gen lah ding ahi. Banah khantanhoi thupha zilsahna bang a mite zilsah leh botsiatu mihingte ading a lam etna neisah ding chite ahi” achi hi. Tuaziehin thugenpen pulpit a mite mohtaina leh utut genna mun ajahlou ding ahi hi.

Tualeh, hattuum dangte toh ei Presbyterian hattuum kibahlouna ahileh ipulpit uh alaitah ah ikoi na uh ahi. Hattuum khenkhatte khun

pulpit pen aning khat ah akoilel uhi. Tami umzie ahileh eiten thugen khu ingaikhawh mama uh china ahi. Ahin thugen khu eigam ah i angaikhoh sieng phialta uhi. Tuaziehin, puitu khenkhatte ngelin, ikuonsan uh thugen ngai ding ahizehin, thugentu hatna ding in mipi ding in lasa va-ui chin igen leng uhi. I kuonsan uh khu thugen ngai ahipensih a, Pasian bieh ahijaw a, tuaziehin amahatna ding a lasah ding hilouin, Pasian phatna dingin lasa vai in, tuazou chiengin, thugentun ahun hingla leh chi zoh ding ahi.

3. Thugen kisingsah dan ding: Thugen in atup athupi seng ziehin, i thugen alawchin theina dingin theitawp kisingsah akul hi. Ann hoi pen zong ahuon dan, akoina kuong, tawkeu leh adang dangte khu akitup angai hi. Sermon kisingsah dan mi tamtahn isim tah ding i gingta a, themkhat tahlang va-ui. Khumte zong sap misiemte laibu a mai zong hilou in, igam a thugentute bawl thei ding dawlte gen deu pen vai.

3.1. Thugen dingte tunmasah ding. I gensa mabang in thugen dingte khu a siengthei pen kichei a, mipite tun masang tun sawm ding ahi. Tualeh thugen ding a kisepte khu pulpit a toupai ding ahi, ahisih leh mipiten ang kailou pou hing sa in abuai thei uhi. Tua leh, thumapui saupipi gen mailou ding ahi, igen tah leh jong atomtheipen gen a, tuajong ithugen ding uh thumapui ahiding ahi. Akhenten athugen ding ja phial uh thumapui agen ua nin um mama thei hi.

3.2. Eye contract siem sawm ding ahi. Tualeh thugen chieng a mite etkoikoi (eye contract) jong hoitah nei ding ahi. Kun dedu e, silkhat etet mai chite leh mit sin a vanlam maimai etlou ding, mipilam ahithe i tan et kuol jing ding ahi. Tualeh na khut a mi na kohtah leh jong mikhat/mun khat maimai moh koh lou ding ahi, ahisih leh na koh penpen in ama genna sa thei hi. Tuabanah thugen chieng a noute na gilou uh chite pilvan ding ahi, tuasang in eite chilei miten nethei zaw hi.

3.3. Sermon in thupi khat atun ngeingei ding ahi: Thu ngainuom huoi leh lungkhoi tah ahiei, mite suhal thei tah ahiei hinanleh zong, Bible thupi in atun sih leh mei khu in aleng mang ding hi. Khantan hoi gentu tahtah in a sermon in amanphapi pen khu, athu tah tuntu ahidan athei ding ahi. Thautang kithun lou khun ginse maimaiten sa akap lia ngai sih hi.

3.4. Sermon china ah suhlat sawm khat zel kichien tah a aum ding: Suhlat nuom thupi khat na nei khu, na sermon pumpi in azop suoh sieng ding ahi. Tualeh na suhlat sawm thupi khu zong na thei chet ding ahi. Na theichet lou thu na gen chet thei lou ding ziehin, na tangtel ah bulphu inlen, nasim khieh zou chiengin thudangah lutsan sin len kainat/kainieh sin; na suhlat sawm zapsuoh ding hilou thute man kop da in.

3.5. Na tangtel khu thupi tunkhawm thei tangte hiheh: Tang bang ahiei tel a, siem tah leh ngainuom huoi taha hing

gen sawm hi, gen siem ahasa mama, annpi zong aching thei sih hi. Hattuum chawm sawm lou a, mani theina suhlat sawm zieh ahinuom hi. Hattuum annpi tunkhawm thei tangte tel zel in.

3.6. Na Sermon in ngaikhetute tahsapna sukha heh: Na masang ah leitung a lawchin sawm a kitai dem tute, deilam muna ding leh deilou lam pumpel na dingin adih leh dihlou khaikhin da kha va-uh chi zausah huoite, damsung khosah hasa taha kisipi zelte, mi nei bang nei zou lou a khosa hamham, meithai, taga bangza ahiei chawm a gim genthei taha hinkhuo mang zoute, dammawna bang ahiei neite, lungsim gimna tah neite leh adangdang aum khawm uhi. Tuatobang ten Pasian lam a aphattuompi chiet ding thute gen sawm in. Tuaziehin eima lunglutna leh veite maimai gen sawmlou a i thugenna hattuum leh mite kul-le-poimaw thei leh amauh zil a thugen ding ahi. Tualeh Mangpa Jesu itna thutah puonjah khu itup-le-ngim ahi ding hi. Na Bible tang sim pen

akhiehna atup angimte gen lah sawm ding ahi. Khum khu Bible thupi dihtah ahi zel ding hi. Pasian hepina gen uong kisa asiengthouna leh a dutuina khu mang sin. A dutuina uah mite bukim louna lam ah la lut sin. I Hattuum vahna dingin Bible thupite taikan um dieh louin akileptuoh hun giap in sulang thei lei mite dingin phatuom pen ding hi. Masanglai a thugen siem Spurgeon in thugen alaiin angaikhieten mittui luongpumpum in, “Jesu hing itna thupina e maw” chiin akap khia uhi. Mi khenkhatten thu agen leh mite lungthahin athangpaisah uhi. Kikhia deu hina e maw thugen chietchiet ding in. Tualeh ithugen zou chieng a miten ang kipahpi ua chibai ang buh jiehua kimoh pahmai lou ding, ahin miten ang kipahpi khawlsih le uh jong lunghimo a lungthah vatehlou ding ahi.

3.7. Thugen khu Hattuum vahna ding maimai hiheh: Eima theina leh ithu thei tam nate suhlah na ding mai ahiei, ahisih leh thugen ngai hi utna

mai in ahiei Pulpit ah din sawm ding ahisih hi. Tuatē sang ma in lungthah thoidam na dinga bawl khu zong a khawhin ahoi maw dieh hi. Hichi dante toh bawl hoi nei malah in sil asuse zaw hi. Pulpit ah Pasian huotlam a hing gen a, khumi suhsiang na dingin Bible tang asim maimai ahi. Mi khenkhatt'ēn Pulpit khu meidawite kulpi asuahsah ua, tuatē lah ah nang vang pang kha mawngmawng sin. Pulpit a na din chin in na thutup khu Hattuum vah ahi chi Pasian in ang thei pi ngei heh.

3.8. Na hithei bangin na Sermon thu suhalin ngai thei suo in: Bang teng hilezong tel in bang thu gen nanlei, i gen ngai ma a peilep hi abailam mama a, tami damdawi pen ding khu taima taha ngaituo leh kisingsah ahi. Thu ngainuom huoi a um a, thu poimaw asem sawm a, tuatē lah ah ngainop huoi kawm, poimaw tah thuo khu ahi. Hagau chawmna thu ngaituo leh kisingsahna khu eima theitawpsuo sanga neizaw ahilou ding ahi. Tualeh gente na thu a dingin, thu langsal tangpi

te na nanleh, athu pumpi'n gensuoh khel sinlen na tahlat nuomna tah gen giap in.

3.9. Thu na gen ding chieng leh thupha tawi bawl sin: Na kisingsah lou leh kimansa a na umlou thu ngaikhetute theisah sin, angaituona uh sunawhphah giap va, thupha tawi leh guitam chite kisuh gentheina maimai ahinuom hi. Na gen sawm thou leh gen ding nei mawng hileh chin kilawm in gen zaw in; tuachi leh ngaikhetute lungsim akuoi zaw ding hi. Tualeh pulpit tung a din chieng a guitam thute, kakisaman sih a, kei amawpen chite leh alang khat lam ah kithupi sahna thute ponggengen loundingahi. Tamte khun angaite suthasie thei lel hi. Tambang kamtengte khu kingaingingiemna suol ahilel hi. Tuanahsang a, Bible tang hoitah asim akilat masah a, ahitheh leh out-book tuomtuomte sim a kisingsah ding ahi. Kihagau misah a Pasian hagau hing pieh dandan chia pulpit tungvel suitom agenlou ding ahi. Ann khing toh mite chawmchawm lou a Pasian thu tah ann thah

toh imi isate chawm zing zawm ding ahi. Tualeh, na sermon ding Bible tangpen ahitheh ham leh Thuhunlui leh Thuhuntha apatin khat tuohtuoh bang hitheh leh ahoi ding hi. Tuabang, ahitah leh pen isim chieng a Thuhunlui khu sim masah a, tuazou chieng a Thuhuntha pen sim kia ding ahi. Ahitheh leh ithugen ding Bible tangte khu atawmpen nivei thum vei beh sim masah ding ahi. Thugentu khat in sawmthum val vei sim masa in achi hial hi.

3.10. Neel taluo leh maingap lou in bawl sin: Pasian leh a thu zatat huoina thu ngaikhetute lungsim ah tahlang zou sih van in, theleng zaw mai theh ahi. Khumi'n sil hoi sangin pawl akhoi theh zaw ding hi. Thugen chieng a tui kisaseng a pulpit bang tup eh-eh lou ding ahi. Tualeh pulpit a kengtota ging gamgam chite zong ahoisih a, adiehin numeite ading in ahoilou dieh hi. Azieh ahileh eigam ah Numeite kingaisang seng louna lai ahiziehin ahi. Thamlouin, awngaitalua leh ngailoutalua jong pilvan ding

ahi. Aw key kibang a genlou a i uang gen nuomte khu aw key san sah ding tuakhun mite lungtang buntheh hi.

3.11. Na thugen dan ah nangma hi zel in: Ngainuom huoi sah sawm in nangma dinmun toh kituoh lou tah na bawl dan ding lawm mawnga min angai lou ding in bawl sin. Thugen siem leh gen ngainop huoi, mite ngaisangte na mu leh, abawl dan sin dan in, mi suh nuizatna maimai giap ahi hi. Thu ngaikhetuten nangma ma um in nangma hing ngaikhie uheh. Pulpit tunga kisiem lamdang mai pen mi'n amu nuom ngai sih hi.

Eima tanchin leh kiphatna tengte hajahlou ding ahi. Tuaban ah chi-le-nam, be-le-phungte, midang pawlpi thute jong gen tamlou ding ahi. Tualeh na thugen in midangte akhoi masangin eima mama ang khoimasah ding ahi. Tuaban ah, mi koi e khat ki-atnate, midemnate, kipong tainate, phuba kilah tuanate leh tahsa vai lam genna mun

a jahlou hamham ding ahi. Tualeh ahitheitan a mi innsung thu leh mi minpou pulpit don agen juajua lou ding ahi. Pulpitpen mimeidoite kulpi hisahlou a khantanhoi thutah puonjahna ijah ding uh ahi.

3.12. Na thugen chieng dutui bawl tawm sin: Tui khollou pia kituisah kitui sah lou khu angaituten a theisiem uhi. Mi nuizat na giap ahi. Na tuina ang suo sih leh na theitawp a leh ahoi thei bangin gen sawm mai in. Na thugen khu poimaw na chidan lang phot leh ahun hi. Thutawp ah Sermon kisingsahna hoipen khu Bible sim leh thumna ahi hi. Hattuom chawmna thu igen tahte tengteng khu, thugen in atup khu supiching dinga panpitu mai ahi chi thei zingin thu maget chieng na tup pen khu siem tahin ahiei, ngainuom huoi tah hidingin gen sawm sin. Na tup pen khu Pasian lamaa mite suh phattuomna hi ngitnget heh. Tuachin Pasian in ang panpi ding hi.

4. Thugen panpitude: Khrista kunga mite puilutna thu leh gingtute suh phattuomna thute gen khu thubai ahisih a, na

lawchin theina dingin panpitu na mu thei bangbang, hilchien bute, gensiem tute gente, enton a, phattuompi thei thupi ding ahi. Ei panpitu phattuom in a neisa, zah dan kisin mai dingte zong a um hi, khumte khu aw zahdan leh tahsa chet dan ahi hi.

4.1. Aw zah dan: Na aw zah dan a poimaw dan khu, na thugen in mi lungsim athuzaw law thei a, athuzaw lou law thei ahi. A hoi thei pen a zah sawm in.

4.1.a. Hadam taha ngaikhieh dingin gen in: Na aw a ul leh angaite dingin ha ngel van, chimtah va uh, Aw pangai a na gen leh, aging ahiei, aging lou ahiei in mite lim va. Na dugen nuom na mun leh na thu dangte leptuo in na aw sulamdang in, na aw ngaingai in pan inlen, apoimaw dungzuiin sang sah in ngai thei va teh.

4.1.b. Nangma aw ngei zang in: Mi aw tut sin koi bawl dan ahiei in ang zou ta seng in, na theilou kal in na lalut kha a, na theilou kal a nasuo doh vang thu tuom ahi. Na tut hilou in, abaleng kha ahia, aphamaw sih hi.

4.1.c. Zah phah chiet dingin gen in: Kikhawm atam leh sang gen inlen, aphantmaw sih leh kipong kou sin.

4.1.d. A hungiap in ham jang in: Nangma zah ding hileh agendan leh amuon dan ngaikhieh ding a na dei dan hun giap in gen in. Hithei leh akilawm na mun laitah ah “aw” ngah zuoi chite bawl siem lei ahoi dieh hi.

4.1.c. Na thugen toh kizawitawn in na aw zang in: Nopna leh lungkhamna aw gin lam khu kibang suoh sih leh ahoi hi. Aw gin leh athu umdan akime leh mi lungsim azou thei hi.

4.1.d. Mi lungsim lamang thei sil bangma bawl sin: Kul loupia ‘ah, ih him’ chi mawhte, khut mawh behte, pulpit tup phang mawh ahiei, beh ging ahiei, mite deilou lam tahin kidi khe sah ahiei chite a hoi sih hi. Mun khenkhata alusute phawwna dinga khuong avuoh ging dung maite zong ahoi zou sih

hi. Tualeh thugen chia gensasa gengen lou ding ahi.

4.1.e. Asaudan. Atangpiin minute sawmlival genda lei mite kipah in agensiem kihimai ding hi. Ahin crusade leh revival hunte ah vang atawm asau genthei hilou ding hi. Tuaban ah chiemmui thanghui leh mite nuizatna ding maimai genlou ding, Pasion thutah ma gen joh ding ahi. Akhenten athugen mi anuitam leh alawching dan in a kingai maithei uhi.

5. Atopna ding in. Pasion thugen dingdan thu igenta ua eima thumna toh theitop a ikisingsah jou chieng in Pasion Hagau thopna ipoimaw jing uh chipen imanghillou ding uh ahi. Eima siemna leh pilna toh Pasion thu mohgenthei ahilou jiehin bangchilaipou in jong panpitu Hagau Siengthou pawlna itantheina ding uh thumna leh siengthouna hinkhuo nei jing isawm ding uhi. Mangpan simtu jousie hing guoljawlta hen!!!

KIPATHU GENNA

Zou Presbyterian Women Fellowship ten apeisa May 11, 2016(Nilaini) in Salem veng a Pu Zamkung Colony Compound ah Tunnu Limbel Fund ding in Jumble Sale (one day market) akibawl a lawchingtah in akizou hi. Tuami hun a bazar hingkai a van hingleite, singpi hing donte leh tawmngai suo a silbangkim a hingkithuopi a pan hinglahpi, abihtah in PYF Lailam Veng te ban ah hing support tu Synod Lamkaite, Pastorte, Upate, Synod Workers te, Khanglaite leh Hattuum mipite zousia ZPWF min in natung uah kipahtu kang gen a, tuaban ah Town Area Hattuum chin a pat PWF te ahing ki guot na bang a kithuman taha vanzuoh a nahing kalsuon chiet ziehun natung uah kipahtu kang gen hi. Tuaban ah Hattuumten niih-le-puan, um-le-bel, sum-le-pai sitlou a ithokhawmte uh zieh a i vaiguon uh lawching ahizieh in natung uah kipahtu kang gen hi. Tuaban ah Pu Zamkung in a compound sung athawn a angzahsah gentahlou zahding tui leh silbangkim a ahing kithuopi zieh in ZPWF min in amatung a zong kipahtu nasa tah in igen hi. Ipanlah nate uh leh ipankhawm nate uh Mimal chin kung a kipahtu hing kigen zoulou ahiman in tam Tangkou tungtawn in ZPWF min in kipahtu kang gen hi.

Jumble Sale a sum mu dan

- | | | |
|---|-----|--------|
| 1. Singpi Hotel | Rs. | 6,042 |
| 2. Percent kidel | Rs. | 22,100 |
| (Mahajon te kung a van zuohding a kila sawnte amet zat) | | |
| 3. Van kidong khawmte | Rs. | 29,458 |

Itawmngaite uh Mangpa'n thupha hing pie in hing guolzawl taken!

Manggam a naseppi uh,

ZPWF thatang in;

Sd/- Nu Tingzavah

Secretary

ZPWF.

ZPWF REPORT

21st April to 24th May tan a Tunnu Limbel panpina pete tam anei abang a tahlal ahi.

1. Pa Kamgenpau, Lailamveng	Rs.	100
2. Pa Nangdoulia, Thingkangphai	Rs.	100
3. Stephen, Thingkangphai	Rs.	50
4. Pa Ginminlun, Thingkangphai	Rs.	1,000
5. Pa Khaikhanhang, Thingkangphai	Rs.	500
6. Manniang khuo G/T	Rs.	860
7. Chinggouman, Thingkangphai	Rs.	500
8. Nh. Ngainou, Thingkangphai	Rs.	100
9. Pa Pauzagin, Central Church	Rs.	500
10. Niangdeihkim, Manniang khuo	Rs.	100
11. PWF Hiangtam 'B' G/T	Rs.	870
12. Upa Nehkholam, Thingkangphai	Rs.	300
13. PWF Tuibuang, Anntang Kg 82 &	Rs.	400
14. ZPWF Tour Chingmang, Tour tholom	Rs.	325
15. P. Church Chingmang	Rs.	1,200
16. ZPWF Awnchinkap Tour tholawm	Rs.	732
17. P. Church Awnchinkap	Rs.	3,410
18. Nu Dimneiching, Central Church	Rs.	500
19. Mrs. Flora Hatnu UK	Rs.	48,000
20. ZPWF Tunnu Limbel Jumble Sales	Rs.	57,600
21. PWF LDCC Hiangzou	Rs.	3,910
22. ZPWF Tour tholawm LDCC Hiangzou	Rs.	914
23. PWF Zoumunnuam	Rs.	300
24. ZPWF Tour tholawm Zoumunnuam	Rs.	325
25. Pa T. Jangminlal of Sugnu	Rs.	500
26. Nu Chingngaikim of Zomi Colony (Hausanu) apat Nau ann Packet-13		
27. Nu Gingouniang of Zomi Colony apat Nih-4,		

Toka-5, Puannah-7

28. Nu Dimkhanniang w/o T. Thenkhosei of Shillong ZPC
apat Anntang Half Bag khat

Petute Mangpa'n hing mapui jel taken!

**ZPWF SEMINAR KHAWMPI 2016 (SUGNU)
TUNNU LIMBEL GINNA THUCHIEM LIST**

Tu-le-tu apete(Sutzopna)

86. Kimneikhol, Sangaikot	Rs.	20
87. Ngaisen, Muollum	Rs.	50
88. Nh. Vungkhanching, Tangpijol	Rs.	20
89. Ngaihau, Sangaikot	Rs.	50
90. Chingkhanman, D. Phailian	Rs.	100
91. Nu Vungmanching, T. Zion	Rs.	100
92. Nu Chingneilam, T. Munnuam	Rs.	100
93. Nu Nuomhoikim, Tuibuang	Rs.	50
94. Nu Chinghoikim, Tuibuang	Rs.	50
95. Upanu Niangkhanman, Behiang(H)	Rs.	10
96. Hatneikim, Sangaikot	Rs.	100
97. Nu Niangneinuam, Daijang	Rs.	50
98. Nu Zenkhanvung, Behiang	Rs.	50
99. Gougenthang, Sangaikot	Rs.	50
100. Tingneineng, Sangaikot	Rs.	50
101. Noulamniang, Khuoinuoi	Rs.	50
102. Chiinneihhoih, Lailam Veng	Rs.	100
103. Suanching, Zomi Colony	Rs.	100
104. Dimkhochin, Central Church	Rs.	50
105. Nu M. Manneiching, Zomi Colony	Rs.	100
106. Nu Mankhanchiin, S. Vengnuam	Rs.	100
107. Sendei, Sugnu	Rs.	50
108. Mankhonian, Sangaikot	Rs.	20

109.	Nu Nuomneu, Muollum	Rs.	100
110.	Kapminlian, Tuibuang	Rs.	200
111.	Dimlawching, Sugnu	Rs.	50
112.	Vungsiannuam	Rs.	50
113.	Manching, Tangpijol	Rs.	50
114.	Chinghaumang, Sugnu	Rs.	30
115.	Nh. Chingmeng, Muollum	Rs.	100
116.	Nu Nemngaihlian, LDCC Hiangzou	Rs.	100
117.	Khamngaihching, Lailam Veng	Rs.	100
118.	Nemzachin, Central Church	Rs.	100
119.	Donzahat, Imphal	Rs.	100
120.	Tv. Thangkhanmuan, Muollum	Rs.	100
121.	Nu Donkhoman, Zomi Colony	Rs.	100
122.	Zenkhoching, Central Church	Rs.	100
123.	Nu Ngaipi, Bualkot	Rs.	100
124.	Pauminthang	Rs.	20
125.	Niangngaikim, Zoutang District	Rs.	50
126.	Ngaimang, Mangjing	Rs.	20
127.	Niangpi, Muollum	Rs.	50
128.	Donkhanching, Tongdam	Rs.	20
129.	Nu Nemzahoi, Daijang	Rs.	50
130.	Nh. Thiennu, Muollum	Rs.	20
131.	Manneiniang, Lailam Veng	Rs.	100
132.	Vungzaniang, Muollum	Rs.	100
133.	Dimneiniang, Central Church	Rs.	100
134.	Nu Nianzadim, Zomi Colony	Rs.	100
135.	Kapzabiak, Teisajiang	Rs.	50
136.	Chiinhoiching, Tangpijol	Rs.	50
137.	Niangmuankim, Manniangkhuo	Rs.	50
138.	Lynda, Kanan Veng	Rs.	50
139.	Chingzahat, Kanan Veng	Rs.	50
140.	Chingzahat, Tangpijol	Rs.	50

141.	Chiinlianniang, Lailam Veng	Rs.	100
142.	Mangsuankim, Lailam Veng	Rs.	20
143.	Nu Chongzakim, Lailam Veng	Rs.	500
144.	Lalam, Mangjing	Rs.	100
145.	Mandeiniang, Khaukual	Rs.	20
146.	Manneikim, Thingkangphai	Rs.	100
147.	Didim, Daijang	Rs.	50
148.	Nu Vungkhochiin, T. Tangnuam	Rs.	50
149.	Noukhanching, T. Zion	Rs.	50
150.	Niangkhanching, Zomi Colony	Rs.	100
151.	Chingboi, Maukot	Rs.	50
152.	Nu Deikhoniang	Rs.	20
153.	Nu Nemzahoi, Singngat	Rs.	20
154.	Ngaikhanniang, Muollum	Rs.	20
155.	Nu Niangkhannuam, Zomi Colony	Rs.	500
156.	Mandeiching, Zomi Colony	Rs.	100
157.	Nu Lalneikim, Tongdam	Rs.	30
158.	Upa Enkhothang, N. Khaukual	Rs.	200
159.	Niangkhodim, Behiang(J)	Rs.	10
160.	Evan. Upa Kapsuanthang, S. Vengnuam	Rs.	100
161.	Niangkhanching, Behiang(H)	Rs.	50
162.	S. Maman, Tangpijol	Rs.	10
163.	Vungkhodim, Tuibuang	Rs.	50
164.	Nu Niangkhongai, Central Church	Rs.	100
165.	Vungngaiching, Tuibuang	Rs.	50
166.	Ngaikhanvung, MEP	Rs.	20
167.	Chiindeiniang, S. Belpuan	Rs.	100
168.	Nousuanching, Central Church	Rs.	100
169.	Nu Lunzavung, Tuining	Rs.	10
170.	Nu Dimneiching, Tuining	Rs.	10

Sutzop ding.....

Adihlou a umleh Office a suhdih ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. Retd. V. Vungzalian	20. Rev. Retd. Kamkhosoi
21. Rev. Tualzachin	22. Rev.(Retd.) H. Nengzatun	23. Rev. Awmkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhotawng
29. Upa Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholling
93. Pu Hauliankap	94. Pi Chinnu	95. Upa Ngulzakhai	96. (L) Upa T. Gougin
97. Pu Ginsuanhau	98. Pu L. Langminthang	99. Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatang Taithul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. Mangsuanthang	115. (L) Pu Lamchinhau	116. Upa Pauchinlel
117. Kimneihoi	118. Pu Kamgenpau	119. Nh. Niangsuannuam	120. Nu Ngaikhanvung
121. P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang		

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau		



Undelivered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

e-mail: zpcs@rediffmail.com / zousynod05@gmail.com

Za,

Edited and Published by the Editor on behalf of the Zou Presbyterian Church Synod